

# Filemón

## Paulo Filemo wama tirirore joarocaha

1 Yũhũ Paulo, Jesucristo yairo yũ jiri buhiri peresupũ jija. Yũhũ, mari coyeiro Jesu yairo Timoteo mehne mũhũre Filemore joarocaja sã. Mũhũ sã cahĩriro Cristo yare sã mehne dahradohoriro jira mũhũ. 2 ã jina Jesu yaina mũ ya wũhũ cahmachuina cũhũre joarocaja sã. Mari coyeacoro Jesu yacoro Arpia cũhũre joarocaja sã. Arquipo cũhũre joarocaja sã. Arquipo sehe sã yoaro sehe Cristo yare yahuriro jira. 3 ã jina Cohamacũ mari Pũcũ, mari pũhtoro Jesucristo mehne mũsare noa dutija. Cohamacũ to macũno mehne ti cahĩa mehne, ti yoadohoa mehne noano jiga mũsa.

## Filemo painare to cahĩare, Cristore to wacũ tuare yahuha Paulo

4-5 Yũ coyeiro Jesu yairo Filemo, Cohamacũre mũhũre sini payocũ mũhũre wacũcũ “Noana”, nija tirore. Cristore mũ cahĩchũ, tirore mũ wacũ tuachũ, paina Cohamacũ yainare mũ cahĩchũ tũhorocahi yũhũ. ã jicũ Cohamacũre “Noana”, ni wahcheja. 6 Cristore mari wacũ tuana cũno potori to yaina jina nija mari. ã wacũ tuaina jina, Cristore mari noano cahĩna, pjĩro noaare cjuanahca mari. Tĩre mũsa noano masihtto sehe sini payoja Cohamacũre. 7 Coyeiro, mipũre painare mũ cahĩchũ tũhocũ wahcheja yũhũ. Jipihtina Cohamacũ yainare noano wahchechũ yoayuhti mũhũ. Mũ ã yoachũ tũhocũ wahcheja yũhũ.

## Paulo Onésimo ya cjihtire sini payoha Filemore

8-10 ã jicũ mipũre Onésimore mũhũre dahra cohtarirore mũ yoahtire mũhũre sini payo duaja. Peresupũ yũhũ mehne to jichũ Cristo yare yahuhi yũhũ tirore. Tĩre tũhoro Cristore cahmahre tiro. ã yoaro tiro Cohamacũ yairo wahahre. ã waharo yũ macũ yoaro sehe jiriro jira. ã jicũ yũhũ Paulo bũcũro jicũ Cristo yare yũ buheri buhiri peresui jicũ mũhũre yahurocahtja Onesimore mũ yoahtire. Cristo buhe dutiro to cũriro jija yũhũ. ã jiriro

jicü tireore mü yoahrire dutiboa yũhũ. Ñ jiriro jipaihta mühũre dutisi yũhũ. Cahĩa mehne mühũre yahurocaihtja tó purota.

11 Cristo yairo to jihto pano Onésimo mühũre dahra cohtariro jiro yaba cjihti jierasini jire. Mühũre noano yoadoho masierasini jire. Mipũ pinihtare tiro mühũre, yũhũ cũhũre noano yoadoho masiriro jirohca. Mipũre Cristo yairo jiro wiho jiriro waro jierara. 12 Ñ jicü mipũre tireore mühũre waroca tjui nija. Ñ jicü tireore noano piti bocaga mühũ. Tireore tuaro cahĩja. 13 Noaa buheare yũ buheri buhiri peresupũ yũ jiro watoi tireore yũhũre yoadoho dutiboa yũhũ tireore warocaeracũ. Yũhũ mehne tjua dutiboa yũhũ. Mühũ sehe yũhũre mü yoadoho masierachũ tiro sehe yũhũre yoadohoriro tjuaboa, tireore warocaeracũ. 14 Yũhũre yoadohoriro to jipachũta tireore mühũre waroca tjuja. Mühũ sehe tireore “Paulo mehne tjuasiniga”, mü nichũ masicũ yũhũ mehne tireore tjua dutiboa yũhũ. Yũhũ sehe “Yũhũ mehne cũga tireore”, ni duaeraja mühũre. Ñ jicü tireore waroca tjui nija. 15 Tiro Onésimo mahaa nũmũricã mühũre to duhti wahcãri baharo pari turi mühũ mehne jira. Cohamacũ to cahmariro seheta mühũre duhti wahcãri jire tiro Cohamacũ yairo to wahahto sehe, yũ tũhotuchũ. Ñ jiro pari turi mühũ mehne jiro ñ jirucurohca mühũ mehne. 16 Ñ jiro tiro mipũre dahra cohtariro jierara. Dahra cohtariro bui curero jiriro jira tiro, yũ ñũchũ. Mipũre tiro mü coyeiro Jesu yairo jira. Ñ jicü tireore tuaro cahĩja. Mühũ sehe yũ yũhũdoro tireore cahĩihca. Mü ñ cahĩriro jiro dahra cohtariro jisini parota mipũre dahra cohtariro to jiriro sehe jierara tiro. Tiro mü coyeiro Jesucristo yairo jira.

17 Ñ jicü yũhũre mü piti bocaboriro seheta Onésimo cũhũre noano piti bocaga. Mühũ mehne macariro yũ jichũ tũhotucũ tiro cũhũre noano piti bocaga mühũ. 18 Ñ jicü mühũre soro to yoariro jichũ mühũre to wapamoriro jichũ yũhũ sehe tíre wapaihtja. 19 Yũhũ Paulo yũ basi ahrire mühũre yahu joaihtja: Yũhũ sehe wapaihtja mühũre. Mühũre yũ buheri baharo Cristo yairo wahacũ jipihtia dachoripe Cohamacũ mehne jirucutiro jira mühũ. Mühũre yũ ñ buheri baharo mühũ cũhũ yũhũre pjíro wapamoriro jiboca. Mü ñ jipachũta mühũre wapaihtja to wapamonore. 20 Yũ coyeiro yũ cahĩriro mari pũhũtoro Cristo yairo jira mühũ. Cristo yairo jicü yũ coyeiro jira mühũ. Ñ jiriro jicü yũhũre noano wahchechũ yoaga. (Ñ jiriro jicü Onesimore noano piti bocaga.)

21 Ahri yá yahurire noano yoaihca m̃h̃h̃. Yá yahuri yáhdoro yoaihca m̃h̃h̃. Tíre masic̃ m̃h̃h̃re joarocai nija.  
22 Ahri c̃h̃h̃re yahuihtja m̃h̃h̃re. M̃sa cahap̃ yá wahahto sehe Cohamac̃re sini payoyuhti m̃sa yáh̃h̃re. M̃sa ã sini payorire tiro yáhtiboca. “Jai” to nich̃ cahmaja yáh̃h̃. ã jic̃ m̃sa cahap̃ yá s̃hti tahtiare cahnoyuga m̃h̃h̃.

**Paulo noa duti batoaha Filemore**

23 Epafra m̃h̃h̃re noa dutira. Tiro sehe Cristo yare to yoari buhiri yáh̃h̃ mehne peresup̃ jiro jira. 24 ã jia Marco, Aristarco, Dema, Luca mehne m̃h̃h̃re noa dutira. Cristo yare yá buhech̃ tina sehe yáh̃h̃ mehne buheina jira.

25 Mari p̃h̃toro Jesucristo to cah̃a mehne m̃sare noano yoajaro.